

山左金石志

山左金石志卷第十八

齊寧縣縣志都邑縣志湖南等縣志齊寧縣志前出巡撫王公孫
同撰

宋石

曹夫人遊靈岩題記

政和元年三月刻正書碑高二尺二寸廣一尺五寸五分

右長清縣靈岩寺

右題大寧夫人韓氏朝拜東嶽回遊靈岩觀音道場云云
及政和改元季春念五日孫男左侍禁曹洙三班奉職深
右班殿直注侍行使女熹奴等從行洙奉命題記崑石徐
儀刊凡十三行字徑一寸夫人爲曹洙等祖母洙兄弟皆
官居右階宋史無傳可攷

張賁等白雲洞題名

政和元年八月刻正書崖高一尺一寸廣八寸在臨朐縣
仰天山白雲洞

右題張賁同定慧真朗程節來遊政和辛卯中秋凡四行
字徑一寸五分

趙德甫等沂山題名三種

年月書體詳後俱在臨朐縣沂山

一題余以大觀戊子之重陽與李□德□同登茲山乙丑
血□又□□□導甫□德□□肇元門謝克明如晦同來
今歲中秋□來遊頁□□□王蔚□□李絳仲□傅察□
□□政和辛卯趙明誠德父題凡八行正書徑一寸字多
漫漶不能悉辨

一題盧彥永趙誠明誠口謝克明辛丑四月廿五日同遊
凡五行左讀行書徑二寸

一題盧格之趙仁甫德甫能父謝叔子同遊宣和辛丑夏
四月廿六日凡四行行書徑三寸

趙德甫等水簾洞題名

無年月正書石高七寸廣五寸在臨朐縣仰天山水簾洞
右題趙仁約子文趙明誠惠父謝克明未子凡三行字徑
一寸二分案山左趙德甫題名現存者五種一在泰山開
元摩崖之東側政和三年與王貽同遊其三在臨朐沂山
政和元年與同人遊自書題名一宣和三年與仁甫能甫
盧格之謝叔子五人同遊題名二與此合爲五也德甫事
蹟不載於宋史案李易安金石錄後序云余建中辛巳始

歸趙氏侯年二十一在太學作學生後二年出仕宦後屏
居鄉里十年復連守兩郡至靖康丙午侯守淄川建炎丁
未奔太夫人喪南來明年十二月金人陷青州故第皆爲
煨燼戊申九月起復知建康己酉三月罷五月知湖州駐
家池陽獨赴召八月以病瘵而卒計其享年當四十九歲
則是政和元年爲三十一歲其遊沂山泰山正屏居鄉里
十年時也宣和三年再遊沂山爲四十一歲似連守兩郡
之日其守淄川則年四十五矣出處之可攷者大略如此
僧淨照誠小師語石刻

政和元年刻正書石高三尺六寸廣二尺在長清縣靈岩
寺

右刻文凡十七行字徑七分

壽昌寺殘經幢

政和元年立正書石高一尺八寸凡八面圍二尺四寸在青州府城東關壽昌寺

右殘經幢未見拓本據段赤亭益都金石志錄之

邱希仁等九龍山題名

政和二年九月刻正書崖高一尺廣八寸在鄒縣九龍山
右題邱希仁李于向政和二年九月五日孫光遠同來閑
飲於此凡四行字徑一寸

巢鶴巖題名八種

年月詳後俱正書在長清縣靈岩寺巢鶴岩

一題杜綰裴彥回劉永施經口仲壽沈邦傑僧廣先智思
登證明回悞道旁政和癸巳季秋十九日拜傑書凡十行

左讀字徑三寸二分

一題東平宋安中同張遠來遊覽山景口季春下旬凡二行字徑二寸

一題大名牛元直張應之庚子同登凡四行字徑二寸八分

一題潁州口奇毓琮遊凡三行字徑二寸五分

一題博州高唐劉生同妻索氏遊頂迴凡七行字徑一寸七分

一題宣和二口三月十九日稅戶孫東元題凡四行左讀字徑一寸

一題江南歙州程女濟州口口口邑縣安固李凡三行左讀字徑一寸五分

一題磨滅殊甚惟後三行存□□郎前守棣州獻次□州
蔡禮□題字徑一寸

右題名八種有紀年者惟政和癸巳及宣和二□兩種耳
穆氏墓表碑

政和三年九月立并額俱篆書跋行書凡八石在章邱縣
文昌祠

穆氏先塋石表

額三行陽文字徑四寸五分石高一尺三寸廣一尺五寸

有宋君子河南穆庭秀諱賓庭秀其字也少卓越有志操博通
書史尤明周易老耽之道性沖淡不樂仕進嘉遯養素以終其
身鄉閭無長幼貴賤莫不愛向謂之君子熙寧元年二月五日
卒壽七十三穆氏世爲河南人唐祕書監寧之後自其高祖徙
居間封至君望其孥益東遂占籍于齊州之章邱縣歿塋女郎

山之陽以其配趙劉二夫人祔後四十有五年當政和癸巳秋九月旣望刻石表墓以著不朽云洛陽王壽卿書 曾孫口模工任升刻

章邱有隱居篤行長者河南穆君卒於熙寧丙辰後三十七年孫湊始錄其先人宣德手疏君遺善諉洛陽王壽卿以爲墓表案君諱端字伯初甫少力學剛毅能尊其所聞尤以孝著皇考賓材其子早以家付而喜散施君傾資奉之未嘗以有無爲言逮執喪焦毀過禮臨窆號慟屢至隕絕廬守墓側服竟始去後每諱日孺慕涕泣終其身而哀不衰季弟客死京師殯于中野他日君迹之弗獲迺招魂塋焉自是歲時與親朋遊集輒悲思不樂烏呼君隱士也其施設雖不大見於時觀其內行脩飭而居鄉友善遇事造次必本於厚則蓄而不發者殆可知已宣德君

名聲蓋君家嗣云

右二表凡四石各高四尺四寸廣一尺四寸五分字徑二寸五分

王魯翁嗜篆一以李監爲師行於四方間李監石刻之所在無風雨晨夜余未識魯翁見壁題曰是必陽冰之苗裔也已而果然其論陽冰筆意從老至少肥瘦剛柔巧拙妍醜皆可師承有味其言之也余嘗戲魯翁杜元凱左氏之忠臣王魯翁李監之上嗣也今世作小篆者凡數家大率以閒架爲主李氏筆法幾絕見魯翁用筆可以酒醕陽冰之冢耳山谷道人黃庭堅

石跋語一則凡三石各高一尺二寸五分廣一尺五寸行書徑一寸四分第三石空處有雷亨坤識小楷書四字此碑前爲穆庭秀碑後爲穆伯初碑總額曰穆氏先塋石表

後又有黃山谷跋凡八石縣志載穆庭秀墓在女郎山之陽有石表洛陽王壽卿撰文并書篆山谷美其篆爲贊於上今移置文昌祠朱則齋云此碑篆法洵得陽冰之傳山谷言之不謬然世無傳者不知山谷跋所稱之魯翁卽王壽卿否耶跋語只贊魯翁之篆而不及穆氏事蹟則此跋不爲穆氏石表作矣且攷宋史黃庭堅傳庭堅卒於徽宗卽位之三年此碑立於政和三年距山谷之卒已及十年是山谷未見書此碑也當由穆氏曾孫慕山谷之譽因附刻於石表之後以增重耳

孔相祠堂記

政和四年三月立正書碑高四尺二寸廣二尺在離縣孔北海祠

右碑篆額未拓文及標題年月凡十八行字徑八分邵昂
撰文馮若德書宋材篆額

論古堂記

政和四年四月立正書碑高四尺廣二尺在濰縣治東
右碑文及題銜年月凡二十二行字徑七分府志載政和
四年太守安陽韓浩通判汶陽慕容若禔建北海祠祀北
海相孔融又西建堂五間祀鄉賢逢紛庸等三十人皆繪
像標其門曰北海祠榜其堂曰論古堂主簿劉杲卿爲記
卽此碑也

元豐大觀詔書碑

政和四年六月立并陰俱正書篆額碑高八尺八寸廣三
尺四寸在東平州學

元豐大觀詔書碑

額二行字徑三寸二分

元豐五年五月二日

詔勅門下先王以道在天下列而爲事陳而爲法人各有分然後安官各有守然後治三代以降累世相仍寢迷本原遂亂名實餘弊斯積其流及今朕閱古弗還因時改造是正百職建復六聯先後重輕粗獲條次小大貴賤迭相維持差擇群材分委成憲佇觀來效共致丕平或有弗欽將底厥罪新除省臺寺監官詳定官制所已著所掌職事如被選之人不循分守敢有僭紊其申論中外違是令者執政官委御史臺彈奏尙書已下聽長官糾劾以聞故茲

詔示想宜知悉

大觀三年二月五日

御筆手詔朕稽若在昔分職建官分守不同名實各異大不陵
小卑不踰尊故官脩其方吏宿其業祇遵先烈董正治官而士
不知命人不安次越職干祿昧利鮮廉顯沛亂常僥倖苟得至
或出位以害已行之令犯分以興胥動之言內外之臣更相侵
紊侍從官非已所職乃輒干預省臺寺監郡守監司更相侵越
曾莫之懲欲使小大之情爭義利之心定其可得乎夫人有常
心法有常守則道德一而政治成今法備令具可以守成而懷
異侵官靡遵彝憲其齊乃位黜乃心各恭爾事罔或不欽以成
天下之務如或有違在外委監司在內仰御史臺彈劾以聞罰
及爾身罪不汝貸

碑陰

元豐大觀詔書後序

宣德郎權發遣提舉京東西路學事

借緋魚袋臣程振撰

政和三年四月有

詔許以

元豐

大觀詔書揭諸省臺寺監司守令治事之所以戒內外小大之臣各恭乃職毋相侵紊於是臣孝純臣純誠既承

命卽所司中門之東大書深刻藏以層構所以崇奉之者極嚴且麗出入顧瞻必畏而仰旣卽同列而言曰

神宗皇帝稽古建官純如成周

皇帝聖孝繼述克謹正名以定位辨位以責實明

明德以照臨之又

丁寧重複申以播告者如此可謂至矣而出位犯分重煩有司

之誅者尙時有之嗚呼何其習之難變也士幼而學壯而欲行之僅勝衣時知誦書則聞聖賢之言曰不在其位不謀其政又曰君子思不出其位及出而親逢

聖神相繼以興堯舜三代之治是宜精白以承

休德而夸者喜權貪者務得更相侵越鮮克靖其視古昔爲有愧此

元豐

大觀之詔渾渾噩噩若合符節而不可以已也昔商制官刑儆于有位召南之國化文王之政在位皆節儉正直說者謂政非獨躬行之效也有慶賞刑威存焉化文王之政蓋有憚而從之者

神考戒以將底厥罪

聖上申以罰及爾身彼誠夸且貪是亦安得不化哉孝純純誠何敢自以爲能行所學者特知榮

太平之光耀而幸

今日之難逢思嚴

二聖之訓奉以周旋罔敢失隊或免於戾而已矣臣振實書之以申勸來者謹序

朝議大夫權京東路轉運判官臣張孝純 朝議大夫京東路計度轉運使兼勸農使借紫金魚袋臣沈純誠

政和四年六月初一日立石

右二詔凡十二行字徑一寸二分一是元豐改官制一是大觀戒言官二帝法制紛更權姦用事其是非固不待論然朝廷設官各有分守出位越職原素官常非治世之所

宜有則其言亦不可盡非也碑陰刻程振所撰後序凡三十行字徑七分

蔡厚金山石壁題記

政和四年十月刻行書崖高一尺八寸五分廣一尺五寸在鉅野縣金山

右題秦王洞圖經所載久矣無碑刻以紀其事然鑱鑿之功殆非人力所能說者謂唐太宗避暑於此野老相傳不知其果否余因部食利夫開修却諒河來遊是洞聊書之以紀歲月俟博物者當證其實政和四年十月二十一日知鉅野丞蔡厚世德題凡八行字徑一寸

趙子明靈岩謝雨記

政和五年四月刻行書石高二尺一寸廣三尺四寸在長

清縣靈岩寺

右題政和乙未經春不雨百姓咨嗟思欲禱于法定聖像
誠心一啟甘澤隨降遂涓吉辰詣靈光致謝因覽諸泉經
日而還向子千涓同至縣令趙子明孟夏廿一日監寺僧
昭戒立石凡十一行字體大小不等

報恩塔記

政和六年四月立正書石高一尺三寸廣二尺一寸在歷
城縣龍洞東峯

右刻凡二十行字徑六分

李堯文遊靈岩題記

政和六年閏正月刻行書石高一尺四寸廣一尺九寸在
長清縣靈岩寺

右題山陽李堯文自汝以事至東武由奉高祠嶽過靈岩
瞻禮觀音像登證明龕盡得遊覽之勝政和六年閏正月
十九日凡六行字體大小不等

孫觀墓誌銘

政和六年十月立正書石方廣二尺八寸在泰安縣婁德
鎮萬壽宮

宋故贈朝散郎孫公墓誌銘

朝奉郎行祕書省校書郎兼

國史編修官編修六典檢閱文字賜緋魚袋許翰撰并書

承議郎祕書省著作郎編修六典檢閱文字李敦義篆蓋

政和三年余入校中祕書所與並遊徃徃鮮明辯麗英發可喜
而魯國孫君聖求獨靖固淵塞渾然難知余心異之曰此豈非
曲阜闕里之風也哉吾今乃知天以夫子之教興於魯者因其

質厚如此而文生之也後二年謁其丈人 大夫公於東郭私第聽其議論重德人也又一年其家卜葬其 先大父則狀其行與事而請銘於余余既得交於聖求父子間又得於此考觀其世德之經緯本末喟然歎其積之遠矣因益見魯多君子足以發吾昔日之言爲不妄也遂書其闕而銘以亂之 君諱觀字明之究之泗水人 曾祖諱程 祖諱榮 考諱達世世以農服田至 君之考乃盡割膏腴以與兄弟而自取礪薄力耕其中 君少而孤食糲攻苦事繼母撫諸弟以立家母爲教戒所生無得恃吾故亂兄治官府有政與勤其弟吾寧以身徃役發於誠心以故上下依懷閭門大和歲惡人爭貸粟於官 君獨不徃曰今自刻厲尙可以生貸而不能歸是欺國也其居鄉能以義槩動人沈毅慨慷時有俠氣有惡少自以負 君妄意

君心結客數十撫刃從 君君正衣冠而叱之惡少心震氣
褫失刃墜地數以云云不覺膝屈請得改事 君因與講不復
蒂芥巨寇將至鄉人大擾謀徙避之 君止之曰少俟我卽持
牛酒造寇壁願見因留與之醉飽歌呼相樂輸以其情寇壯而
義之爲引去有故家子嗜酒不羈 君見戒以無頽家聲發怒
辱 君君謝遇之益厚其人愧之終身避 君縣吏與 君不
相能薦數中以吏事後敗困窮 君反賙之吏愧亡匿曰無面
目見 孫君矣蓋其能誦服人心如此大夫罷官興元聞魯大
荒或欲擇居它鄉 君不可曰無年如此族姻日夜望吾至以
薦其飢吾何忍擇利自營而不此顧卹乎旣歸施櫓卽內外干
指仰食 君君市米官廩雜糠覈熬蠶相與食之無難色有餘
則以餉隣里之窮無告者振施甚衆大夫官蜀計司取錢引之

當毀官者復出之郡縣大夫月受以爲俸 君曰以此與民爲市是罔民也禁家人無得出積爲錢五六十萬盡廢其後有司建治操空文以市於民者官吏皆汙而大夫獨嚼無有蜀人賢之大夫之爲循吏 君蓋多有力焉其自蜀歸則盡舉族人之無後與貧不克葬者凡三十五喪葬之未疾數月忽戒其子儉葬與凡家事豫爲條理大觀四年八月辛卯卒於舒州官舍年八十一以其子恩爲通直郎累贈至朝散郎其治命曰必於先塋乎吾葬今以十月甲申葬菟裘東節義鄉里仁之原與考同域娶曹氏贈太宜人男女二人男琪朝散大夫提點南康軍道遙觀女適邑人潘潛孫凡四人傳儉億億傳奉議郎以辭學兼茂高選爲祕書省正字卽余之所異同舍郎也億將仕郎鄆州刑曹掾餘未官初君未嘗伏術爲學而行事每與書合又能縛

細自下以延致士教其子孫詩書以故子孫彬彬多以文行著
云銘曰

鼎興非祥隨神姦 慶積離久乃見端 根蟠源湫天所艱
擢爲脩林舒長澗 孫氏世隱根窅閒 迷君負能不施官
人文不琢天守完 俟天我昌匪力干 裔胄衰衰方彈冠
謂君未顯非今患 昭詩佳城唯後觀 裴通苗成魏通摸刻
右刻凡三十五行字徑六分撰書者爲許翰其列銜未載
宋史本傳亦是闕畧孫傳字伯野宋史有傳碑稱傳以辭
學兼茂高選爲祕書省正字正與傳合惟傳稱傳海州人
而此碑稱其祖觀爲泗水人殆觀與傳時隔三代由泗水
遷籍海州未可知也

張勛靈岩寺題記

政和七年正月刻正書石高一丈四寸廣二尺一寸在長清縣靈岩寺功德頂石壁

右題靈岩山觀音菩薩昔所化現天□□跡維時四大
□政和歲在丁酉首春甲午朝請□□充右文殿脩□□
樂張勣來守濟南爲題峯□著□名以彰其實凡三行字
徑五寸其左尙有正書觀音道場四大字未及拓也張勣
守濟南史志皆不書故事跡莫攷

崔大防等靈岩觀音洞題名

以和七年三月刻正書石高二尺二寸廣二尺五分在長清縣靈岩寺觀音洞

右題博州崔大防周君度同登證明□□漢仙洞時政
和丁酉歲三月十四日題凡四行左讀字徑一寸五分

衡元度等靈泉廟題名

政和七年三月刻行書石方廣二尺二寸在博山縣靈泉廟右題淄川衡元度王巨載渤海任德充陽邱高擇之城傅子容政和七年三月十四日同謁祠下凡五行字體大小不等其下續題明年二月十六日巨載子容同趨奉高再謁祠下正書三行又口勅同弟口口右宣和元年二月初一日記正書二行字體皆大小不等

楊昇等靈岩觀音洞題名

政和七年四月刻正書石高一尺五寸廣一尺在長清縣靈岩寺觀音洞

右題博州楊昇同楊善到此政和七年口口口口口口凡二行左讀字徑八分後又題汶陽梁西均挈家同遊適潘

女悟通待行政和丁酉孟夏旦凡二行左讀字徑一寸四分

張勣禱雨題記

政和七年四月刻正書崖高二尺二寸廣二尺六寸在歷城縣龍洞獨秀峯石壁

右題長樂張勣深道問農禱雨至龍洞云云凡十一行字徑一寸二分

王有道等龍洞題名

政和八年五月刻行書崖高一尺四寸廣二尺在歷城縣龍洞獨秀峯石壁

右題華陽王有道林口夏侯景彥同明慧大師來遊政和八年五月十三日題凡七行左讀字體大小不等案徽宗

以是年十一月改元重和此題在五月故猶稱政和也

王喚靈岩飯僧題記

政和八年六月刻行書石高一尺五寸五分廣二尺一寸
在長清縣靈岩寺

右題王喚被旨特許因職事到濟南營治亡妣襄事小祥
前八日恭詣靈巖道場禮觀世音預設僧供請如老陞座
飯畢出山劉材韓洵王永夏侯不羣同行政和八年六月
廿有七日凡十一行字體大小不等

勅賜升元觀牒碑

政和八年閏九月立行書篆額碑高四尺六寸廣二尺在
泰安縣泰山南麓升元觀

右碑額題升元觀勅二行字徑三寸四分文凡九行字體

大小不等錢辛楣少詹云碑前載泰寧軍狀稱兗州奉符縣其石旁書政和八年閏九月二十一日襲慶府權措置升元知觀事洞元大師賜紫道士李仲昭立石案徽宗紀政和八年八月乙亥升兗州爲襲慶府故先稱兗州後稱襲慶府矣牒後列尙書省長官曰起復太中大夫守左丞王者王黼也曰特進少宰者余深也曰起復少保太宰者鄭居中也有押字曰太師魯國公而不押者蔡京也陸游老學菴筆記云自唐至本朝中書門下出勅其勅字皆平正渾厚元豐後勅出尙書省亦然崇寧間蔡京臨平寺額作險勁體來長而力短省吏始效之相諉尙謂之司空勅亦曰蔡家勅蓋妖言也京敗言者數其朝京退送及公主改帝姬之類偶不及蔡家勅故至今勅字蔡體尙在此

碑勅字正所謂蔡體也

政和御書手詔碑

政和八年十月立正書篆額碑高一丈一尺廣四尺五寸

在濟南府學

政和御書手詔碑

額七字字徑八寸

朕承

祖宗遺休餘烈崇經術設學校興賢能以待天下之士高爵重祿永之庸之以待士之任官者蓋與之修政事理人民以立太平之基致唐虞三代之隆宜有豪傑特立之材忠信志義之人比肩相望焜耀一時爲世盛事而比年以來懷僭亂之異謀干殊死之極憲者如趙諗儲侔王案劉昺之徒或賢科異等勲閭世胄或出入禁闥侍從之領袖爲搢紳士大夫之大辱閭巷無

知愚夫愚婦之所憤疾武夫悍卒未嘗知書者咸羞道而喜攻之其故何也豈利心勝而義不足以動之歟抑勸導率勵之方有所未至歟夫經傳所載君臣之分忠義之訓榮辱禍福之戒豈不深切著明今誦其言而不能效之行事深慮薄俗浸漬士風陵夷失崇養之指害教化之原爲天下後世笑卿當師儒之任以學行致大官其思所以勸勵興起畀知尊君親上之美無復暴厲邪僻之行以居德而善俗以化天下與後世稱朕意焉故茲詔示奉行無怠

付李邦彥

政和八年夏六月

上親御翰墨作訓于四方多士以其

空三字

詔屬臣邦彥使奉行

之秋七月被

旨揭示于太學暨辟廱仍著之石九月

臣

以職事進對便切

上諭

臣

曰前日詔書學者宜識所以訓迪之意且暴戾邪僻豈

士人所爲

臣

頓首謝曰

陛下興學造士澤之入人深矣孰不能惠

上德而化之

字空三

聖詔一頒鼓舞丕應咸目喻而心成咨嗟誦

詠者不可一二數憤激而勸以義者慨然相先也蓋教育之道

素明而理義之感人若是其敏願

字空三

詔儒臣作記以揚厲休

蹟俾天下後世無忘其章越二日

御筆委臣識之而臣疏述一介擢長師儒毫髮未報

字空三

宸翰

所及獎飾踰分

字空三

眷任之意不替益專且不以蕪累取玷

上寵俾加序述惟是不腆末學固不足以辱

字空三

命而載名其

下有榮耀焉臣之幸也謹拜手稽首而言曰臣聞三代之學皆

所以明人倫人倫治化之本義命之大戒存焉士之所學學此

者也上之所教教此者也政事之興風俗之醇皆源於此固監
二代禮樂庶事備矣而教養之治加詳法象所示雲漢其章人
才之成金玉其質拔奇取異序爵而官使之名正分辨咸懋嘉
德故服事其上而下無覬覦羔羊節儉正直之風有辭于永世
知所以尊義而立命故也治降叔末君臣信義之論策名委質
貳辟之責猶行於區區戰國之間時以爲美談豈餘波遺澤燕
及來葉而人倫之教在人心者未熄耶

上以神明淵懿之資發揮

前聖光大之烈勵賢崇化一本於學所以風天下而善萬世者
三代不足進也邪謀弗臧旣底于憲而空三訓辭諄切以勸勤
于庠序師儒之官空三宸慮所圖至深且遠矣譬猶慶霄清明
白日中照有目有趾者待是焉顧非甚愚孰不知嚮是宜革心

滌慮祇奉

明德戒懼而不敢少易也嗚呼士之取重於世者以義命在我物無得而移之故尊君親上之心常存而不喪嗜逐末者義以利勝樂于時者命以故滅陵夷漸漬始失其常心越乃誕作狂僭矯誣之行而階之爲禍屢校之施金梃之戒罔不在厥初則天心仁愛之薦刑於詔諭其爲惠可勝旣耶書曰王言惟作命不言臣下罔攸稟令夫以字空三九重之近幹制四海之遠

德意志慮非言弗宜稟令之臣所當奉以周旋靡遑夙夜矧字空三

字奎章洛盡昭布于上下而又勅諸翠炎垂範將來顧瞻敢不

力口績文未工愧無以形容字空三聖作之萬一然字空三戒告之

嚴字空三委寄之重尙俾來者勿怠于成以奉揚字空三丕顯休命

於億萬斯年之永則是記也豈特侈

上之賜使後世歆艶其美而已哉冬十月己卯朔十五日癸巳
朝議大夫試大司成同修 國史隴西縣開國子食邑五百戶
賜紫金魚袋臣李邦彥奉

御筆記并書

保和殿直學士朝請大夫提舉上清寶籙宮

編類

御筆兼禮制局詳議官校正內經同詳定官汝陽縣開

國子食邑六百戶賜紫金魚袋

臣蔡脩奉

聖旨題額

奉議郎試辟雍司業臣李隲

奉議郎試辟

雍司業

臣程振

右碑上截刻手詔二十二行字徑一寸四分末行付李邦
彥下有御璽文曰御省之寶方二寸二分下截刻李邦彥
記文二十九行字徑一寸碑中李邦彥系銜朝議大夫試
大司成同脩國史宋史本傳俱失書當時邦彥有浪子宰

相之號太學諸生目爲社稷之賊而此碑勵賢訓士君臣
褒頌雖古之聖君賢相不是過也文辭飾美不足取信於
後世大率類是題額者蔡脩卽蔡京之子本傳祇載其以
恩澤爲親衛郎祕書丞至保和殿學士未及提舉上清寶
籙宮等銜是其畧也

何亭玉等靈岩寺題名

宣和元年三月刻正書石高一尺四寸廣二尺在長清縣
靈岩寺

右題何亭玉唐口儀來遊宣和元年三月廿五日凡三行
左讀字徑二寸其前尙有開封口口口題名四行漫漶難
辨

程伯常洪山頂題名

宣和元年重九日刻正書在嘉祥縣洪山頂石坡平面
右題宣和己亥濟人程伯常登高於長嶺山西崖重九日
題凡三行左讀朱朗齋親至其處拓歸

岱頂避風臺題名十二種

俱正書年月詳後在泰安縣岱頂避風臺

一題存口積真記青州何子通詣頂獻香紙凡三行字徑
一寸四分

一題存口口口彭用張忠李順許成宗凡三行字徑一寸
二分

一題存德王彥重三月遊凡二行字徑一寸二分

一題存州左獄楊式立楊政口口和次歲三月口遊此凡
四行字徑一寸二分

一題存口張恭文口宣和庚子三月日凡三行字徑一寸二分

一題存東京馬祥陳七娘奴兒同遊人燕凡三行字體大小不等

一題饒陽鎮田完全史賽李千遊口頂庚子三月六日記張進口凡四行字徑一寸五分

一題青州臨朐縣時村保賀密韓全子母二人李辛保順劉信德州王周妻同武氏記遊趙氏趙諄凡八行字體大小不等皆殘缺

一題殘缺殊甚存劉政李口口口遊林口子口王文凡五行字體大小不等

一題野薄文叔劉子口張恭文遊頂迴宣和庚子三月

十五日凡四行字徑一寸二分

一題千乘縣口河口陳文錫宣和二年遊頂記凡三行字體大小不等

一題沂州沂水縣張買奴遊頂宣和二年三月七日記嚴清凡五行字體大小不等

黃石公祠詩刻

宣和二年九月刻草書篆額石高五尺一寸廣二尺九寸

在東阿縣北郭黃石公祠

八行劉先生詩

額六字橫列徑二寸二分

我昔讀漢史心師張子房從容輔漢室功成復翱翔皆由受

師

黃石翁

訓知進退存亡我本田舍兒本志在退藏因緣遇

真王招聘助發揚五年寄京國心夫不皇皇亦由宿志定萬事

皆批糠今日得歸來素志今得償
艤舟河縣下騎馬達祠堂伏
行仙造像我志愈激昂誓歸東
邨住心祈契空蒼庶可見張子
侍翁入帝鄉

宣和二年九月廿四日狀次

劉採仙尉張思范陽范朴羽人張昌道聯駟同來

勅差知東平府濟北穀城黃口山靈顯觀事兼京東西路傳授
科教師賜紫艾知筌立石

忠訓郎東平府博州夾河巡檢兼東阿縣巡檢譚

修職郎東平府東阿縣主簿張

通直郎知東平府東阿縣管勾勸農事宋

迪功郎東平府東阿縣丞吳世英 李全刊

右詩刻及年月題名凡十行字體大小不等後列銜三行

正書字徑一寸末有李全刊三小字案徽宗大觀元年詔立八行取士科凡孝悌忠和睦嫻任恤爲八行全備者者隣保伍申縣申州中尙書省釋褐命官此劉先生殆亦以八行舉而畱京師者歟

二殿廟幡竿石座題字

宣和二年十月刻正書石高一尺五寸五分廣七寸在泗水縣城內

右題字六行字徑八分碑記承信郎杜某爲其母七十壽辰因獻幡竿以申祝延之意

趙壁白雲洞題名

宣和三年三月刻正書崖高二尺七寸廣四尺在臨朐縣仰天山白雲洞

右題安陽趙璧祇奉赦音祀豐濟侯既畢同汴陽耿融二
禪老自白雲亭禮羅漢洞宣和辛丑季春十九日閩僧慈
運命工刻凡九行左讀字徑三寸二分

董正封等雲門山題名

宣和三年八月刻正書崖高四尺廣七尺在益都縣雲門
山洞南

右題雍邱董正封彥國開封高揆富文萬泉裴汝明仲述
福唐王澤伯光同遊晚過石子澗宣和三年中秋後三日
澤題凡六行字徑六寸據段赤亭益都金石志錄之

重脩城隍土地廟記

宣和三年十月刻正書篆額碑高五尺廣二尺五寸在博
平縣城隍廟

右碑額題重修城隍土地廟記四行字徑二寸文二十六
行字徑七分縣志載城隍廟在縣治東南隅儀門之右有
土地祠創于宋政和初者邑人劉真記之卽此碑也

眞相院舍利塔銘

宣和三年十月刻正書石高一尺七寸五分廣一尺八寸
在長清縣眞相寺

齊州長清縣眞相院釋迦舍利塔銘

并引

翰林學士朝奉

郎知制誥上騎都尉武功縣開國男食邑三百戶賜紫金魚
袋蘇軾詞并書

洞庭之南有阿育王塔分葬釋迦如來舍利嘗有作大施會出
而浴之者緇素傳捧涕泣作禮有比丘竊取其三色如含桃大
如薏苡將寘之他方爲衆生福田久而不能以授白衣方子明

元豐三年軾之弟 謫官高安子明以昇之七年軾自齊安
恩徙臨汝過而見之八年移守文登召爲尙書禮部郎過濟南
長清真相院僧法泰方爲塲塔十有三成峻峙蟠固人天鬼神
所共瞻仰而未有以葬軾默念曰子弟所寶釋迦舍利意將止
於此耶昔子先君文安主薄贈中大夫諱洵先夫人武昌太君
程氏皆性仁行廉崇信三寶捐館之日追口遺意捨所愛作佛
事雖力有所止而志則無盡自頃憂患廢而不舉將二十年復
廣前事庶幾在此素聞踊躍明年來請於京師探篋中得金一
兩銀六兩使歸求之衆人以具棺槨銘曰

如來法身無有邊化爲丈六示人天偉哉有形斯有年紫金光
口飛爲煙惟有堅固百億千輪王阿育願力堅役使空界鬼與
仙分置衆刹莫山川棺槨十襲闕精圓神光晝夜發層巔誰其

取此智且權佛身普現衆目前曷者坐受遠近還冥行黑月墮
坎泉分身來化會有緣流傳至此誰使然并包齊魯窮海壖獼
悍柔冥愚賢願持此福逮我先生生世世離垢纏

元祐二年八月甲辰

宣和三年十月 日住持眞教大師文海立石

右刻銘序及標題年月凡二十三行字徑四分案東坡年
譜及紀年錄元豐八年五月復朝奉郎知登州八月十七
日得旨十月十五日到登州二十日台爲禮部員外郎其
過濟南長清眞相院年譜不載在何時而但系作塔銘於
元祐元年今案碑文是二年則非元年矣據海市詩刻公
自登州入都已近十月之晦過眞相院事當卽在觀海市
之後據銘序云泰聞踴躍明年來請於京師自當是元祐

元年事或者施金在元年書碑在二年也碑書於元祐二
年至宣和三年始爲刻石相距已三十四年矣

李唐臣等靈岩觀音洞題名

宣和四年四月刻正書石高一尺五寸廣七寸在長清縣
靈岩寺觀音洞

右題清平李唐臣范庭玉鄭伯溫王秀姬田汝霖遊此宣
和四年四月三日凡三行左讀字徑一寸

孟子廟碑

宣和四年十月立正書篆額碑高七尺三寸廣三尺五寸
在鄒縣南門外道左

先師鄒國公孟子廟記

額三行字徑四寸

孟子葬鄒之四基山旁冢爲廟歲久弗治政和四年部使者以

聞賜錢三百萬新之列一品戟於門又賜田百畝以給守者而廟距城三十餘里先是嘗別營廟於邑之東郭以便禮謁元豐六年詔封鄒國公明年又詔配食孔子廟又詔更新廟貌而地頗湫隘宣和三年縣令宣教郎邵口朱缶歎其土地木摧不稱虔恭尊師之意欲出已奉完之縣士徐韞曰廟瀕水亟壞不四十年凡五更修矣若許改卜爽塏則諸生願任其事不以累公私也令許之韞遂以私錢二百萬徙廟於南門之外道左鄉人資之錢者又數十萬而後廟成總四十二楹中爲殿安神棲繪羣弟子像於兩序又爲孟氏家廟於其東以揚雄韓愈嘗推尊孟子也又爲祠於其西重門夾廡壯麗閎偉與山中之廟輪奐相輝矣於是求文以記之夫聖人之道甚易知甚易行充之至不可勝用而其極可以參天地贊化育者其唯誠乎堯舜禹湯

文王周公孔子相傳者一道孔子之沒其孫子思得之以傳孟子故孟子之道以誠身爲本其治心養氣化人動物無一不本於誠凡著書立言上以告其言下以告於人者必本仁義祖堯舜亦無一言不出於誠也故於滕文公則言必稱堯舜而於齊王則非堯舜之道不敢陳蓋其智誠足以知堯舜又自知誠可以行堯舜之道又知果得行其志則誠可使吾君爲堯舜而吾民皆爲堯舜之民故以此自任不敢有豪分之僞以欺人而造大言其論君臣之際則曰欲爲君盡君道欲爲臣盡臣道二者皆法堯舜其論什一之法則曰重於堯舜者大桀小桀輕於堯舜者大貉小貉其論仁智則曰堯舜之智急先務堯舜之仁急親賢稱伊尹能以此道覺此民而謂殃民者不容於堯舜之世非誠言也言之乎雖言之君尚權謀相奪上下交

趨於利而未嘗撓一言以求合焉非天下之至誠篤於自信者
能之□□□□道失其傳至□□其說而以僞言堯舜者始
說其君以帝道則既不合而之王中說以王道則又不合而之
霸是於□□□以僞欺□□也□堯舜之說以賈其高躬申
商之術以濟其欲是以僞欺天下而賊其君者也昔之爲從衡
之說者不□□君以利害□□勢爾其僞易見若夫假帝王
堯舜之說使人君慕其高而不虞其姦則其僞難知作於心害
於政其禍天下□□□□□□辯以監天下後世竊孟子
之說以爲不義而自比於孟子者宜和四年十月十五日朝奉
郎監察御史苑□□□□□□學正闕里孔端朝書承
議郎祕書省校書郎長安樊察篆額

魏信刊

右碑文凡十八行字徑一寸縣志載撰文爲孫傳府志又

作孫復今碑中姓名已磨滅惟銜存朝奉郎監察御史証之史傳當以孫傳爲近

高士瞳等孔廟題名

宣和四年十二月刻正書石方廣二尺在曲阜縣孔廟

右題提點刑獄高士瞳宣和四年十二月十四日恭拜祠殿鹽司管勾文字張觀復弓箭社長官趙子侃同行男公河公漢侍凡七行左讀字徑二寸二分

朱濟道遊靈岩詩刻

宣和五年二月刻篆書石高二尺三寸廣三尺七寸在長

清縣靈岩寺

二年催遣向東州見盡東州水石幽不把尋常費心眼靈岩消得少遲留 右一

東州山水亦堪遊及至靈岩分外幽會有定師能指示直須行
到寶峰頭 右二

宣和五年二月初九日朱濟道偶書呈

如公妙空禪師

□□法定禪師乃觀音化身初居靈岩□□神寶峰作釋迦石
像良有深旨

右詩七言絕句二首并款凡十四行字徑二寸七分末有
小字二行亦篆書徑八分

靈岩寺海會塔記

宣和五年七月刻正書石高一尺五寸廣三尺一寸

右刻凡二十八行字徑七分僧祖英撰書朱朗齋云書體
圓勁絕似景龍觀銘

重修東嶽廟碑

宣和六年三月立并陰俱正書篆額碑高一丈九尺廣五尺八寸在泰安縣岱廟

宣和重修泰嶽廟記

額二行字徑五寸五分

翰林學士承旨正奉大夫知制誥兼侍講修國史南陽郡開國侯食邑一千五百戶食實封壹伯戶臣宇文粹中奉字勅撰

朝散大夫充徽猷閣待制知襲慶軍府事管句神霄玉清

萬壽宮兼管內勸農使兼提舉濟單州兵馬巡檢公事陳畱縣

開國男食邑三百戶賜紫金魚袋臣張滌奉字勅書篆

宣和四年九月有司以字泰嶽宮廟完成奏功字制詔學

士承旨臣宇文粹中紀其歲月臣粹中辭不獲字命退而

移文有司盡得營建修崇

字空四

詔旨本末與庀工鳩材因舊增

新之數謹再拜稽首而言曰臣聞自昔受

字空四

命而帝者咸有

顯德著在

字空四

天庭合四海九州之懽心以爲

字空四

天地社稷

百神之主故有壇場圭幣以象其物有宮室祠宇以猶其居有
牲牢酒醴以薦其潔有祝冊號嘏以導其誠其漠然而意可求
僂然而誠可格殆與人情無以異是以黃帝建萬國而神靈之
封七千處夏商周文質迭救雖所尚不同而事神以保民其歸
一揆故其書曰望于山川徧于羣神又曰山川鬼神亦莫不靈
其詩曰懷柔百神及河喬嶽又曰墮山喬嶽允猶翕河河東曰
兗州其山鎮曰岱山自開闢以來尊稱

東嶽其穹崇盤礴雖號爲一方之鎮而觸石膚寸不崇朝而利
及天下是以歷代人君昭姓考瑞盛登封之禮告祭柴望五誠

一巡守必以

字空四

岱宗爲首而

字空四

神靈烜赫光景震耀載在

書史接于耳目者矣奕相屬也

字空四

宋受

字空四

天命建都于汴

東倚

字空四

神嶽遠不十驛

章聖皇帝肇修

字空四

封祀蓋嘗躬款

字空四

祠下欽惟

字空四

神靈

饗蒼之異念唐開元始封王爵禮加三公一等未足以對揚

字休應遂借

字空四

五嶽咸陞

帝號自是宮廟加修薦獻加厚四方萬里士民奔湊莫享祈報

者蓋日益而歲新也

皇帝聰明仁孝光於天下

字空四

神動天隨

字空四

德施周溥既已

躋斯民於富壽迺

字空四

申勅中外凡所以禮

字空四

神祇崇顯祀

盡志備物畢用其至歲在辛巳迄于壬寅

詔命屢降增治宮宇綠牆外周罽毼分翼巋然如

字空四

清都紫

極望之者知其爲

字空四

神靈所宅凡爲殿寢堂閣門亭庫館樓

觀廊廡合八百一十有三楹財不取于賦調役不假于追呼而

屹然崇成若

字空四

天造地設

字空四

靈祇燕豫福應如響烏呼真

字空四

盛德之事也惟古聖王先成民而後致力於神故奉牲以告

曰博碩肥腍謂民力之普存也奉盛以告曰潔粢豐盛謂三時

不害而民和年豐也奉酒醴以告曰嘉栗旨酒謂上下皆有嘉

德而無違心也

臣竊伏觀

皇帝陛下臨御以來

字空四

夙宵之念無一不在於民者發號出

令以誠以告頒恩施惠以生以育設官擇人以長以治制法垂

憲以道以翼以訓以齊政成化孚中外寧謐於是國有暇日以

修典禮民有餘力以事神祇咸秩無文周徧羣祀自古所建上

下遠邇靈祠吉祝于今莫不畢舉觀是宮廟土木文采輪奐崇

麗則知郡邑之富庶帷帳煒煌袞冕璀璨則

之盈溢牲牷

充庭醪醕日御則知耕牧之登衍簫鼓填咽歌呼保道則知氣

俗之和平

字空四

神之聽之迺底陳于上

字空四

帝用降鑒錫茲祉

福則

字空四

社稷之安固

字空四

歷數之綿遠蓋方興而未艾也臣

既書其事又再拜稽首而獻頌曰

於皇

字空四

上帝

口觀九有

孰贊

字空四

天緯

山

川封守

帝欲富民

俾阜貨財

溥潤澤之

俾司風雷

東方岱宗

是爲

天孫

體仁乘震

生化之

門昔在

章聖

崇以

帝號

發

并大庭

五雲前導

施于子孫

格是神保

歲在攝提

新宮載考

皇帝慈儉

愛民自衷

不侮鰥寡

不廢困窮

神鑒其仁

錫之婁豐

皇帝神武

赫然外攘

馴服悍

辰 以蕃善良 神予其義 助之安彊 仁義既洽 民有

餘力 還以報 神 神居是飭 峨峨 神

居 作鎮于東 有來畢作 庶民所同 惟此庶民 惟皇

作極 丕應俛志 徧爲爾德 祝 皇之壽 泰山同

久 握圖秉籙 歷箕旋斗 祝 皇之祚 泰山等固

鎮安二儀 混同萬宇 下逮羣黎 徧敷錫之 億載萬

年 惟 神是依 匪 神獨依 惟

天無私 有謠康衢 述是聲詩

宣和六年歲次甲辰三月己酉朔十八日丙寅建 胡寧刊

右碑文凡二十六行字徑二寸案徽宗本紀旣無制詔撰

碑之文禮志嶽瀆條亦不詳重修祠宇之事而此碑文體

書法皆極壯觀實爲岱廟宋碑之冠惜宇文粹中張渫宋

史皆無傳莫能攷其事蹟耳碑陰列嶽廟職事人員凡二十行字徑八分

孟仲錫雲門山題名

宣和六年三月刻正書崖高三尺五寸廣三尺在益都縣雲門山洞南

右題東平孟仲錫備員憲事緣監捕至雲門因率檢法樂安仁子正口事濟南董元康議口口來里人夏懿辯口宣和六年三月凡六行字徑三寸此碑未見拓本据段赤亭益都金石志錄之

靈岩寺施五百羅漢記

宣和六年八月刻正書石高三尺一寸廣二尺八寸五、在長清縣靈岩寺

右記文二十三行字徑一寸書碑者張克卞官居郎職
字上磨滅難辨

鍾宗直等晉陽山題名

宣和六年九月刻正書石方廣四尺五寸在濟寧州晉陽
山石壁

右題鍾宗直陳延孺晁升道息道虞道決道榮道王原甫
以甲辰九月來遊遂登絕口口望大澤瞰平口口盡觀覽
之興凡七行左讀字徑五寸甲辰九月上無年號朱朗齊
定爲宣和六年

徽宗獎諭勅書碑

無年月并額俱行書碑高五尺八寸廣二尺五寸在兗州
府

獎諭勅書 額二行字徑五寸

勅畢漸等省京東西路提刑司奏契勘本路九州軍府四十二縣舊係重法地分民夥訟繁素多盜賊猖狂囚繫倍於他路轄下刑獄官司共六十處自政和三年歲終并今年正月一日至今不住據州縣報到獄空共五十六處總計四千三十八日事朕播刑之施非訖於威惟德之勤亦克口勸爰簡孚於有衆庶明清於單辭眷言東州素號獷俗奏封來上罔罔屢空爰暨廼僚克祗厥職實尔明慎之效洽于民心故使欽恤之恩期于予治載省勞勩深用歎嘉故茲 獎諭想宜知悉冬寒汝等各比好否遺書指不多及 二十二日

勅

從事郎兗州刑曹掾兼工曹及管檢法議刑臣孔尊數 將

事郎兗州儀曹掾兼兵曹及管右推勘公事臣婁寅亮 將

仕郎兗州士曹掾兼戶曹及管左推勘公事臣董煒 承直

郎兗州司刑曹事臣崔勳 朝散大夫通判兗州軍州兼管

內勸農事臣趙齊賢 朝請郎權知兗州軍管句學事兼管

內勸農事兼提舉濟口口巡檢公事借紫金魚袋臣畢漸

右刻獎諭七行字體大小不等首行勅字上有御璽文曰

書詔之寶後列銜名五行正書徑四分朱朗齋云碑無建

立年月惟文內有自政和三年歲終并今年正月一日總

計四千三十八日今以政和四年正月爲始算至四千餘

日當是宣和七年正月二十二日也京東奏報獄空事宋

史無攷

靈泉廟續翁婆因地記

年月闕正書篆額碑高五尺廣二尺四寸在博山縣靈泉廟

右碑額題續翁婆因地記三行字徑三寸文二十四行字徑七分殘泐幾盡記年惟存歲次乙巳正月辛酉朔二十五日朱朗齋列於宣和七年姑仍之

玉皇宮四帝御押石刻

宣和七年重九日刻碑高一尺八寸廣一尺一寸在博山縣玉皇宮

右刻凡二列上列首篆書二字徑一寸祇露右旁不可識次御書二字亦篆書徑六分其右太祖御押至太宗御押又其左眞宗御押至此下已闕泐微露御押末筆當是仁宗也下列題云四代皇帝御書御押命工再模上

石朝夕瞻仰上蒼聖恩宜和乙巳重九日神霄玉清□□
□□紫道士□□□記凡七行正書經七分

靈岩功德龕題名二種

靖康二年正月刻正書石高二尺廣一尺四寸在長清縣
靈岩山頂

右題名二種據朱朗齋所錄存之一題長清宰趙邦美子
相□拉楊叔應李充道同遊金僊靖康丁未正月廿二日
凡四行一題禮同恭拜四字分列其下又有曹積等題字
三行年號漫滅

兗州造象殘刻

無年月正書石高一尺八寸上廣九寸下廣五寸在兗州
府牛氏

右刻上截鐫佛像三軀下刻字七行首行存波羅僧揭諦
五字乃心經末句次行存大宋兗州博陵六字賴此知爲
宋時兗州造象之殘石也

杜綰等靈岩觀音洞題名

無年月正書石高三尺八寸廣二尺在長清縣靈岩寺觀
音洞

右題杜綰裴彥回劉永施經王仲甫□□沈邦傑僧廣
先智恩凡四行左讀字徑三寸五分此與後二種皆無年
月姑從朱明齋所錄增於宋末

盧亮等仰天山白雲洞題名

無年月正書在臨朐縣仰天山白雲洞石壁

右題營邱吏盧亮董譯李實陳悅從侍梁朝奉到此凡四

行左讀字徑八分

臨朐縣口希文題名

無年月正書石方廣一尺六寸在臨朐縣

右題字七行左讀字徑一寸字多漫漶可辨者有口希文
字

靈岩朗公傳摩崖

正書崖高四尺廣一丈五尺在長清縣靈岩山可公牀石
壁

右刻文四十行字體大小不等書傳者爲僧曉如不著年
號但題戊子秋七月念七日姑埵宋碑之末

博山咒水符石刻

無年月石高二尺九寸廣二尺二寸在博山縣鳳凰山玉

皇宮

右碑左幅刻符陽文旁題神霄玉清萬壽口正書七字右幅刻咒文云此水出於孝孝固可通天吾道得於心心與天同源我今咒此水利濟永無邊若有沈痾者一啜令可痊更欲行大道期可爲神仙訣次劉支離草書五行末有押字陽文蓋卽咒文也碑無年月以支離爲宋人埵載宋末

濟寧州學宋畫石刻

無年月題字俱正書石高二尺廣三尺在濟寧州學杏壇埵前

右象圖戰船一上有簾篷四柱中坐盔鎧一人以手就几似執物者船頭一人持篙尾立一人俱有甲冑船迎立者

二人畫象左右題字四段第一段題七律一首缺前三句
詩云旋復東秦舊版圖動若汾陽年最少戰如廣固勢同
符揪天勛烈磨崖勒萬古英靈隘八區後書王時拜口四
字第二段首題翟公書門四字次書翟公爲廷尉時賓客
填門及廢門外可設雀羅後復爲廷尉客欲往公署其門
曰一死一生迺知交情一貧一富迺知交態一貴一賤交
情迺見第三段首書題翟公三字次五絕一首云三仕寧
爲喜一閑當自脩在情今似古何必謝交游後書崔口口
口四字第四段首書咏曹彬三字次七絕一首云王師競
下九天來口薺江城一戰開蓋世榮華口不口滿船同籍
送軍臺後書馬口敬題四字玩其畫法證以詩語必非朱
以後石刻也

殿中丞李君誌銘蓋

篆書石方廣一尺五寸在嘉祥縣紫雲山下

右額題宋故殿中丞李君誌銘九字楷之縣志皆無攷